

左恪靖侯奏稿初編

各請奏稿初編卷三十四目錄

請派幫辦軍務大員以資贊助摺

請派重臣接管輪船局務摺

肅清全閩彙保出力人等請獎摺

請加周藩司吳道二品頂戴摺

調補陝甘總督謝恩摺

請擬減兵加餉就餉練兵摺

添建水師弁兵駐守緇五店地方摺

請移營駐紮湄洲徑口等處摺

臺府吏事兵事均宜及早綢繆措

釐定關關進出款項停止攤捐另籌公費措

請派幫辦軍務大員以資贊助摺

奏爲請

旨簡派幫辦軍務大員以資贊助仰祈

聖鑒事竊治軍首重得人用才貴於善任同一軍也用  
之或勝或不勝則將帥之才否不同也同一才也用之  
或效或不效則任使之宜否不同也茲臣奉

命調督陝甘自維德薄能鮮忝荷重任深懼措置失當  
爲

朝廷羞亦惟藉助賢能以圖共濟二品頂戴前浙江按

察使世襲雲騎尉劉典戰功卓著已在

聖明洞鑒之中該<sub>臣</sub>自咸豐十年入<sub>臣</sub>軍與前布政使

銜道員

予諡貞介王開化今浙江布政使楊昌濬總理營務入

浙後分統<sub>臣</sub>部轉戰江西皖南屢殲巨寇保全大局俾

閩國藩軍與<sub>臣</sub>軍餉道常通得以壹意進取<sub>臣</sub>軍入閩

奏請幫辦福建軍務劉典由江西率師來會駐師西路

分扼江西浙江衝要俾賊不得出閩境一步卒收三路

蕩平之功遺孽汪海洋竄入粵東粵軍不能制賊賊勢

復張黃矮子歐陽暉等率叛卒由江西繞道湖南與之  
會合喉汪逆由湖南廣西入蜀將尋石達開故轍爲西  
陲憂臣調其由江西出南雄力扼廣東西北路蹙之賊  
憚不敢前賊知官軍悉赴江西廣東乃乘虛回竄嘉應  
其時臣隨駐漳州者僅親兵八百耳劉典訶賊回竄深  
以臣兵單爲憂謂所部將領及提督黃少春訶賊東趨  
甚急必圖出汀漳入江皖督師必出戰然楚軍盡出奈  
力薄何言已泣下諸將感奮遂日夜兼程由間道馳援  
會臣軍於大埔卒克復嘉應蕩平餘孽若鮑超則七檄

而始至粵軍則十檄而猶未至也聞事平後劉典請假  
省親還里繳連年截贖銀六萬餘兩將領皆爲歡異臣  
與劉典爲布衣交在軍中雖有僚佐之誼歡若弟兄以  
上各戰績雖已具前後各疏中而艱難之際性情流露  
則有未敢詳者臣與劉典其事最久相知最深其爲人  
剛明耐苦廉幹而有志節臣可保其斷不負

國斷不厲民其用兵最長於審察地勢臨陣必身先士  
卒以倡勇敢之氣然性稍褊急有所見必直道其是非  
以此常見忤於人臣嘗言之曾國藩而曾國藩不甚以

爲然言之楊岳斌並

奏請幫辦楊岳斌軍務而楊岳斌尤不以爲然也前奉諭旨劉典現在請假省親該臬司久歷戎行素稱得力若令投閒殊屬可惜著左宗棠諄飭該員於省親後卽行銷假應派往何路軍營帶兵剿賊並著左宗棠斟酌奏聞

臣

當恭錄緘咨准劉典覆稱母親衰老多病不忍

久違定省又自揣與人寡合恐難竭才力以圖報稱

臣

復致書勸勉終不可強故未敢據情上達

天聽今

臣

赴陝甘犬馬之齒漸增非復昔時精力可比



若所事無成不但上負

知遇之恩且自貽平生之戚可否仰懇

皇上天恩勅命劉典幫辦陝甘軍務並

勅下湖南撫

臣

令其敦促就道俾

微臣

得稍資助庶

於西郵大局有裨謹據實籲陳伏乞

皇太后

皇上聖鑒允准施行不勝感激之至謹

奏

請派重臣接管輪船局務摺

奏爲請

旨簡派重臣總理船政接管輪船局務以便開局試辦  
恭摺馳

奏仰祈

聖鑒事竊維試造輪船兼習駕駛一事臣詳加諮度始  
敢據以入

告欽奉

諭旨允行比卽緘知原議之洋員日意格令轉告德克

碑速來定議時日意格方充江漢關稅務司得信後來  
閩一面緘寄德克碑德克碑時方在安南海濱也日意  
格於七月初十日來閩臣與詳商一切事宜同赴羅星  
塔擇定馬尾山下地趾寬大一百三十丈長一百一十  
丈土質水清潔可十二丈湖上倍之堪設船槽鐵廠船  
廠及安置中外工匠之所議程期議經費議製造議駕  
駛議設廠議設局釐由粗而精由暫而久盡輪船之長  
並通制器之利日意格立約畫押後候德克碑未至返  
滬見法國總領事白來尼畫押擔保八月二十七日德

克碑自安南來聞臣出示條約無異詞惟慮馬尾山下  
土色黃鬆積淤沙所致未能運法臣比令開掘取驗泥  
多沙少色青質膩知非淤成德克碑乃信其真可用也  
正議令其到滬覓白來尼並約日意格及始議之按察  
使銜福建補用道胡光墉等同來定議此事係德克碑  
日意格兩人承辦非齊來面訂不可定約臣亦非俟條  
約訂定不敢率行陳

奏也九月初六日奉到

恩命調督陝甘時德克碑正在臣署議事比卽令其過

赴甯波約日意格據稱日意格江漢關稅務司已經辭  
退惟向例須三月始能離任恐不能同來臣謂日意格  
已經面議畫押卽不偕來亦可惟該洋員到總領事白  
來尼處畫押後須速來此以便面訂移交後任德克碑  
卽覓輪船於十三日赴滬大約十月初旬內外始可回  
聞也臣維輪船一事勢在必行豈可以去閩在邇忽爲  
擱置且設局製造一切繁難事宜均臣與洋員議定若  
不趁臣在閩定局不但頭緒紛繁接辦之人無從諮訪  
且恐要約不明後多異議臣尤無可誘咎臣之不能不

稍留三旬以審此局之定者此也惟此事固須擇接辦  
之人尤必接辦之人能久於其事然後一氣貫注眾志  
定而成功可期亦研求深而事理愈熟再四思維惟丁  
憂在籍前江西撫臣沈葆楨在官在籍久負清望爲中  
外所仰其處事詳審精密早在

聖明洞鑒之中現在里居侍養愛日方長非若宦轍靡  
常時有量移更替之事又鄉評素重更可堅樂事赴功  
之心若令主持此事必期就緒商之英桂徐宗幹亦以  
爲然臣曾三次造廬商請沈葆楨始終遜謝不遑可否

仰懇

皇上天恩俯念事關至要局在垂成

溫諭沈葆楨勉以大義

特命總理船政田部頒發關防凡事涉船政由其專奏  
請

旨以防牽制其經費一切會商將軍督撫臣隨時調取  
責成署藩司周開錫不得稍有延誤一切工料及延洋  
匠雇華工開藝局責成胡光墉一手經理緣胡光墉才  
長心細熟諳洋務爲船局斷不可少之人且爲洋人所

素信也此外尙有數人可以裨益此局者臣當咨送差遣庶幾製造駕馭確有把握微臣西行萬里異時得幸觀茲事之成區區微忱亦釋然矣至此事係臣首議試行倘思慮未周致多疏漏將來察出仍請

旨將臣交部議處以爲始事不慎者戒謹懃惓馳陳伏

乞

皇太后

皇上訓示施行謹

奏

同治五年九月二十三日



肅清全閩策保出力人等請獎摺

奏爲遵將克復漳州龍巖永定南靖平和漳浦雲霄詔安各府廳州縣城池並攻拔賊壘擊退悍賊截剿鼠賊肅清全閩及防守轉運出力員弁兵勇彙案保獎恭摺奏明

聖鑒事竊臣等迭次欽奉同治四年二月二十七日

上諭左宗棠等奏福建官軍分路進剿均獲大捷一摺其餘出力員弁著左宗棠等存記彙案擇尤請獎欽此又奉四月十五日

上諭左宗棠等奏各路官軍迭獲大勝請將出力暨陣亡員弁分別獎卹一摺其餘出力員弁著左宗棠存記彙案請獎欽此又奉五月十三日

上諭左宗棠奏官軍進逼漳州大捷現籌辦理情形一摺其力戰獲勝將弁兵勇著准其彙案請獎欽此又奉五月十八日

上諭左宗棠等奏官軍攻克漳州南靖兩城一摺其餘出力員弁兵勇著左宗棠等查明彙案請獎欽此又奉五月二十四日

上諭左宗棠等奏官軍追剿竄賊連克平和漳浦雪霄  
各城一摺其餘出力員弁著准彙入克復漳州案內擇  
尤保奏欽此又奉閏五月二十六日

上諭左宗棠等奏官軍剿賊獲勝全閩肅清現飭越境  
追剿一摺所有此次追賊出以各軍及防守轉運各員  
弁著該督查明彙案擇尤供奉欽此又奉八月二十二  
日

上諭左宗棠等奏官軍剿賊獲勝現飭各軍分道進剿  
一摺康國器一軍越境剿賊以寡勝眾著准由左宗棠

等查明出力員弁罪尤保奏欽此伏查於同治三年十月臣宗棠在兼署浙江巡撫任內聞賊首李世賢汪海洋及各賊目率賊眾二十餘萬由廣東竄入汀州府屬武平境分竄龍巖永定南靖雲霄平和各廳州縣城及汀州府城全圍震動臣宗棠當卽飛檄調所部楚軍各軍三路進剿幫辦軍務劉典率所部八千餘人由江西廬建入汀州爲西路扼賊西竄兼顧江西記名臬司王德榜所部二千五百人繼之提督黃少春劉明珍率所部馬步四千六百人由衢州江山入埔城趨建甯爲中

辟扼賊北竄兼顧浙江江西臣宗棠率親兵及總兵劉  
明燈簡桂林劉端冕各營繼之署浙江提督高連陞等  
所部四千五百人山海道逕趨福州爲東路先顧省城  
繼由興泉以赴漳州扼賊東竄相機迎剿臣宗幹飭文  
武繕守具防海口嚴巡檄連轉饋諸軍乘勝連戰克捷  
武平永定龍巖以次克復漳州賊亦屢經痛創勢漸窘  
蹙

皇上重念賊眾兵單復

命江蘇撫臣李鴻章濟師二月署福建提督郭松林提

督楊鼎勲率蘇軍八千航海抵廈門軍威益壯遂克漳州南靖漳浦雲霄平和詔安賊首李世賢敗亡之餘隻身走投汪海洋爲汪賊所殺凡六閱月閩疆平仰賴

聖謨廣通飭發重兵鉅餉得以速赴戎機俾巨寇不致稽誅地方尅期底定而在事將士衝冒鋒鏑踴躍爭先卒能以四萬餘簡練之師殲賊十餘萬其勞烈亦未可掩抑者臣等疊奉

恩旨獎勵當卽恭錄行知各營茲據開摺彙案請獎前來臣等逐加覆核雖所保人數較多然實係克復漳州

龍巖永定南靖平和漳浦雲霄詔安各府州縣城池並  
疊次攻守堵截打仗獲勝在事尤爲出力水陸馬步共  
七十營七次欽奉

恩旨准保茲謹併歸一案彙獎未便過予核減除記保  
以藍翎千總把總外委拔補者咨部註冊外其文職各  
員亦分別填註考語一併開列清單恭呈

御覽伏乞

皇太后

皇上恩准獎勵以示激勵庶樂事勸功者感而益奮矣

再聞中軍事尤以餉事爲難此次所保人員除本係隨營出力及辦理轉運各員外所有籌辦餉需勞績最著各員任怨任勞不避艱險實與隨營出力無異應請敕部無庸查照尋常局務勞績核議其餘地方員紳辦理防剿團練暨整頓局務護解餉需等事並歷年辦匪出力各員并均屬著有微勞當全省肅清之時自應分別請獎謹另摺具陳合併聲明謹  
奏 同治五年九月初一日

請加周藩司吳道二品頂戴片



再自古用兵特重轉餉閩省因軍務頻仍庫款異常支絀經

奏調周開錫吳大廷等來閩首將軍需稅釐兩局事務經營釐剔吳大廷旋奉

簡放鹽道周開錫經

奏署藩司自是經理得人藩鹽兩庫日有起色凡軍中所需無不豫備迨臣宗棠入粵後供億之繁暨轉運之苦更甚於閩而該員等籌備接濟航海踰嶠應念而來故粵東軍務得以迅速成事周開錫吳大廷籌餉之功

實不可沒合無仰懇

天恩將該兩員

暫加二品頂戴以示鼓勵之處伏候

聖裁謹附片具

奏伏乞

聖鑒謹

奏

同治五年九月初一日

調補陝甘總督附 恩捐

奏為恭謝

天恩事竊臣於九月初六日承准軍機大臣字寄同治

五年八月十七日奉

上諭本日據楊岳斌奏才力不及病勢日增懇請開缺  
業經明降諭旨令左宗棠調補陝甘總督其閩浙總督  
令吳棠補授所遺漕運總督令張之萬調補並令蘇廷  
魁署理河東河道總督矣陝甘為邊陲重鎮現當回氣  
甚熾楊岳斌於人地不甚相宜辦理未能有效眷顧西

陞寶深崖系左宗棠威望素著熟爛韜畧於軍務地方  
俱能措置裕如因特授爲陝甘總督以期迅掃回氛綏  
靖邊圉該督接奉諭旨卽將閩浙印務交與英桂兼署  
迅卽馳赴新任悉心經理以慰系懷閩浙現雖平靖而  
營務吏治廢弛已久吳棠到任後務當認真整頓毋稍  
鬆懈欽此跪讀之下欽感莫名伏念臣佔俸微儒軍旅  
之事素所未諳頻年盡瘁馳驅時虞不逮茲復蒙

皇上天恩特調西陲重鎮奉

命之下悚惕益深比卽檢點官書號召徒旅一俟經手

名節昭著粗具卽當卸篆起程惟微臣自草茅擢任對  
所從來入覲

天顏一聆

訓誨茲由闕中西上望

闕非遙仰懇

天恩許臣

陞見俾稍展瞻就微忱曷勝欣幸之至所有微臣感激

下忱理合陳

奏伏乞

皇太后

皇上聖鑒訓示謹

奏  
同治五年 月 日

謹擬減兵加餉就餉練兵摺

奏爲間浙兵制急宜變通謹擬減兵加餉就餉練兵以期實濟事竊自兵民分而不可復合於是歷代養兵之費最爲繁鉅未有百年養之不收一日之用者也

國朝綠營兵丁雖較前代爲少然亦六十萬有奇此次軍興東南各省惟廣西金陵曾有調用制兵之事餘皆招募勇丁以資戰守用兵十餘年轉戰十數省而陸營絕少調發始以勇丁助兵繼且勇丁代兵始以將弁領兵繼且以文臣代將此兵事之窮也各省召募日繁制

兵各額未減籌餉者既須籌戰士之餉又須餉不戰之  
兵餉無可籌不得不節縮額餉應之於是額餉積欠至  
數百萬待其呼號迫切又不得不稍爲點綴以服其心  
然按營點綴每兵給飽數錢每月卽需耗銀數萬兩在  
兵月得數錢之餉不能半餉在官月費此數萬之銀已  
成虛擲此餉事之窮也夫五方風氣各殊民生其間強  
弱亦異故就各省而論有可爲兵者有不可爲兵者然  
亦未可概論也吳越秀良而淮徐穎亳壽春台處金華  
之民則稱勁健關隴邊塞之兵素稱勁健而自捻回猖



倭當事又議調南軍卽以福建言之負山面海民情獷  
悍難馴宜其可以爲兵矣然臣自入閩徂粵以來肅清  
疆土掃除劇寇所用者仍祇此舊部楚軍未嘗藉閩兵  
之力而負閩之土匪伺路之盜賊尙須留楚軍剿捕不  
敢輒用閩兵崇安建陽告警時臣所部尙留興化比延  
平請兵臣調標兵三百赴之三日始克成行一月撤歸  
則患病者竟有百人詢其故曰水土不服也可笑如此  
謂閩兵之不可爲兵歟何以械闕則強爲匪盜則強一  
隸伍在便怯弱至此夫有兵不練與無兵同練之不勤

與不練同今日之制兵陸則不知擊刺不能乘騎水則不習駕駛不熟砲械將領惟習趨踰應對辦名冊聽差使其陳之也演陣圖習架式所教皆是花法如演戲作劇何裨實用首標尙有大操小操之名屆時弁兵呼名應點合隊列陣弓箭籐牌鳥鎗擡鎗次第行走旣畢散歸不復相識此外各標營則久不操練並所習花法所演陣式而亦忘之矣水師戰船失修朽腐殆盡將領巡洋會哨但有文報而無其事遇需巡緝輒雇民船代之弁兵無船砲無從練習名則水師實則就岸居住一登

海船則暈嘔不堪站立不穩退云熟習沙線慣歷風濤  
設遇有事奚望其有萬一之倖乎是則練兵爲救時之  
急務矣兵之應練將弁知之卽兵丁亦自知之彼見勇  
丁之積功得官未嘗不欣羨也知己之胆技怯未嘗不  
內愧也將領之有志者見兵不可用亦未嘗不思練兵  
以有爲也督撫提鎮亦未嘗不思練兵以稍寬咎責也  
而勢固有所不能營制馬兵月餉銀二兩馬乾一兩戰  
兵月餉一兩五錢守兵月餉一兩米三斗間用折價近  
庫欸告匱因有給銀欠米者有半銀半票者除省標八

營外各標協營水陸官兵銀米牽算每月僅獲半餉而  
福建地方狹瘠穀米豆麥棉麻雜糧之收不足供本地  
食用物價本昂素仰海船轉運接濟近自番舶紛來專  
海洋之利沿海船商歇業物價更形翔實米一斗需錢  
七八百中價亦五百文布一尺寬者需錢六七十窄者  
亦三四十文他物稱是從前銀貴錢賤兵餉易錢尙多  
近則銀價日低物價日貴兵情艱迫異常計每兵所得  
月餉不足供一人十日之食餘二十日則懸釜待炊衣  
履無出其奉父母養妻子者更無論矣如是少壯者不

願入伍而入伍者多老羸疲弱窮無所歸之人其市井之人或掛名冊籍以小貿傭工爲本業而以餘暇應差操至下府民人之藉當兵支門戶者抗官府窩匪盜名當兵而從不與差操者其志並不在餉固不具論也夫以額餉之薄如此又從而減折之不能贍兵之身家並不能養兵之口體不聽其別營生理必不可得兵既別營生理不能按日演操散居市廛不能一呼卽集訓練有所不能施禁令有所不能及心志因之而紛精力因之而懈技藝因之而生汰革則無精壯應募激勸則無

驍銳可拔如是謂兵之冗雜怯弱不可爲兵兵不任受如是謂將之疏拙頹廢不可爲將將亦不任受也是則加餉又爲練兵之急務矣福建通省每歲經山之費一百七十餘萬兩營經入之款抵放尙短二十餘萬兩頻年兵事繁興協餉不到入款積欠相因實難敷衍此時因練兵而加餉餉從何出臣按方今各省經營通病祇因餉薄不能練兵而餉之薄亦實由於兵之多耳與其欠餉曷若減兵與其欠餉而仍養此無用之兵曷若練兵而益餉此可惜之餉卽以閩浙言之閩之兵額六萬

二千浙之兵額三萬七千二百合計已近十萬豈不爲多如果一兵得一兵之用制賊自有餘力何以巨賊入境所至成墟不但不能收一戰之功並不能爲一日之守也然則

國家每歲所耗之餉不重可惜乎假令事前兩省有素練之兵五萬以之援鄰以之保境豈不綽然何至遠恃客軍多糜鉅餉惟其兵多故餉不能厚惟其餉薄故兵不能精此固前效之可睹者臣維兵之應亟汰者四老弱疲乏之兵吸食洋煙之兵虛名占伍之兵塘汛零星

之兵此皆無所用亦不用練者外此各標協營聽差傳  
號書識各名色不預操練之兵實爲軍政之蠹須酌量  
裁減以實行伍伍計應汰之兵至少不下四成餘兵既  
減少則員弁亦可酌量裁併所裁之廉俸薪乾亦可留  
養練兵大概挑留可練之兵五百有餘卽以裁兵四成  
有餘之餉加給之餉米並計守兵每月可得銀三兩戰  
兵每月可得銀三兩數錢日用足敷無須別營生業自  
可聚居勤練而免散漫荒嬉之弊塘汛零星之兵有名  
無實其或窩留如賭擾害地方若併歸總汛聚居勤練



分段輪派巡緝。吉勢較完。訪察易遍。較之三五錯雜。無  
人管束。訓練者。自別是減兵云者。祇減無用。不可練之  
兵。於兵制實無損。加餉云者。卽扣此項裁兵之銀。於餉  
事亦無所加也。臣自廣東凱旋。飭省標八營挑練兵丁  
爲數。勇計操兵。得日加餉銀六分。挑兵三千名。分三起  
以次赴。署前。進學習長。洋鎗無亮。接鎗署陸路提  
督羅大春挑練。泉州標兵一千二百名。各協營轉相效  
法。陸路漸有起色。水師各營。咨行提。臣李成謀。護海壇  
鎮黃聯開籌商辦理。亦有端緒。大約水師以洋面爲汛

地以檣帆爲營陣以砲械爲技藝弁丁必分兩班更換  
上船出洋巡緝孰知海塞形勢日用砲械乃期得力其  
減兵加餉與陸兵同現因船工停修陸續赴粵東購造  
拖攆式船必俟船齊乃可定弁兵數目也浙江郡縣克  
復時臣卽飭逃潰兵丁不准收伍曾經

奏明在案此時議復常制祇須少募新兵較閩之裁減

舊兵綢爲省事臣咨浙江撫臣並檄藩司楊昌濬專主

其事與提臣黃少春熟商定議以期畫一如蒙

允行臣謹當與閩浙撫臣提臣細商一切事宜妥爲籌

議庶幾兵精餉實一挽絀絀精弊無負  
國家養兵衛民之意謹據實陳伏乞  
皇太后

皇上聖鑒訓示施行謹

奏  
同治五年九月二十三日

添建水師弁兵駐守鰲五店地方摺

奏爲馬巷廳屬鰲五店地方緊要請將水師提標後營遊擊衙署移建併添撥弁兵哨船分汛駐守以資控制恭摺具

奏仰祈

聖鑒事竊照福建水師提標後營遊擊衙署原建廈門西門外仁和宮咸豐三年被會匪折毀察看地勢兼採眾議僉稱原處毋庸建復曾經文武各員勘明應改駐鰲五店捕仔尾方爲扼要久議移建因頻年軍務繁興

未暇及也上年臣駐營漳州飭署興泉永道曾憲德履勘議詳隨據曾憲德稟稱會前任水師提督臣吳全美親詣履勘錫五店地方青山環海西南東三路直達金廈兩島各計水洋六十里北距馬巷廳城二十七里距同安縣城五十七里均屬陸路旁通漳泉孔道行旅往來絡繹不絕商魚船隻進出口岸均須停船掛驗實爲水陸要衝從前額設千把總暨巡檢各一員文屬馬巷通判專管武係後營遊擊兼轄派兵一百八十八名分駐灣頭等七汛及聖林一塘戍守以資巡防掛驗自咸

豐三年會匪之變附近潘塗官漕相頭等鄉民風露悍  
尤甚時有匪黨存聚此間動輒整駕多漿快船出洋行  
劫大爲商漁行旅之害此兵無多不足制之非移撥武  
職大員添兵駐防難資鎮壓擬將水師提標後營遊擊  
移駐於此倣照左營遊擊改駐石碼之例鑄給關防添  
鑄駐防銅江字樣庶綰轂水陸足爲建威銷萌之計應  
於水師提標五營存兵內挑選精練同安馬巷各廳縣  
戰守兵各一百二十名合共二百四十名効用隊目字  
識一切在內如挑有別營之兵卽以後營存兵互相撥

補毋庸添募並派撥龍艘漿船二號福字哨船二號遴  
派千總把總各一員外委額外各二員統歸後營遊擊  
鈴束分派各汛駐守掛驗巡防至建造衙署等項除舊  
基估變抵用外共計估需工料銀一千三百兩已由前  
提臣吳全業率同五營將備及該處紳民量力捐助臣  
察酌情形鑑江地居水陸要衝改撥水提後營遊擊移  
駐為便除將應鑄鑑江水提後營遊擊銅篆關防造具  
印模清冊另行

題請鑄給暨建造官紳商民捐銀數目及各項冊結圖

形送部察核外其餘未覈事官署隨時酌核辦理合將  
馬巷廳屬之鋪五塘地方緊要請將水師提標後營遊  
擊衙署改建併添撥弁兵哨船分汛駐守以資控制緣  
由謹會同福建巡撫臣徐宗幹福建水師提督臣李成  
謀合詞恭摺具

奏伏乞

皇太后

皇上聖鑒勅部核覆施行謹

奏同治五年 月 日



請移營駐紮湄洲徑口等處摺

奏爲湄洲徑口等處洋防緊要請移營駐紮以資控制  
恭摺具奏仰祈

聖鑒事竊維海疆擇要安營原期建置得地乃可資控  
制而靖洋氛情形今昔不同則建置之宜亦有未可拘  
守舊制者福建興化府屬莆田縣湄洲地方孤懸一島  
屹立海中乃閩省商船出入門戶興泉二府扼要咽喉  
且爲臺灣南北商艘往來必經之路原歸海壇右營派  
撥弁兵駐守查該處東南五六里南北約二千餘里民

民三十餘社刁悍素著窩留匪類勾結擄搶視爲故常  
重案迭出本年經水師提臣李成謀統帶師船會同陸  
軍嚴密搜捕地方始稍稍安謐然再四審度非於湄洲  
安設營座並擇高敞之地建築石寨砲臺煙墩望樓汎  
防堆口以專營駐守不足以重形勢而固洋防當經提  
臣李成謀會督署金門鎮總兵郭定猷署金門右營遊  
擊李廷芳等前往履勘上湄洲大洲山中附近之東蔡  
鄉堪以建築石寨應於寨內建造衙署兵房以資栖息  
多設兵船常川巡緝其蕭厝浦禧小堆獅窟等處爲湄

洲籓離民俗頑獷不識兵威須設汛分防其內港淺水  
處所宜整備龍艚船隻梭織巡緝水陸交嚴方可除內  
奸而杜外匪茲准飭營繪圖開摺咨移前來臣察核形  
勢就水師各營酌量調撥查金門鎮右營遊擊守備等  
員向係派駐漳州府屬之漳浦縣浞口地方輪流巡緝  
今宜移駐湄洲已檄飭該管文武勘估籌辦又浞口亦  
屬海口要隘向無專營僅建設衛署兵房添募新兵二  
百名歸金門鎮標右營遊擊守備各員輪流駐紮本嫌  
單薄自咸豐三年兵房衙署被會匪拆毀迄未起蓋致

輪駐弁兵無可棲止巡緝日就懈弛今金門右營旣議  
改防甯洲則徑口亦應另行移營駐紮復准提臣李成  
謀咨報督憲署該標中軍叅將陳允彩護水師提標前  
營遊擊胡星燦前赴徑口一帶勘得河墟地方背山面  
海離徑口鄉僅半里地勢較徑口爲要亦應移設專營  
方資鎮壓原建衙署兵房業經匪毀擬于河墟地方起  
建遊擊守備及千把總各署並外委額外各兵房添建  
軍裝周庫箭道爲官兵駐防操練之所卽以水師提標  
前營遊擊原駐廈港前營守備原駐後海墘二處地方

均緊要不可移動惟水師提標右營遊擊原駐廈門西  
門外燒灰宮邊舊營守備原駐局口街巷內地勢散漫  
無關輕重右營遊擊應改駐廈港後營守備應改駐後  
海墘方爲扼要似此酌量移置不獨地得其宜卽洋面  
亦可分界管轄較爲周密所有交界處所已飭營另行  
造報其河墘建設衙署兵房現飭由陳允彩督率工匠  
核實勘估籌款購料興建所有左營遊擊舊署地基及  
後營守備損壞衙署均堪估變抵用除飭軍需局司道  
分移各該營員會同地方官悉心勘估籌款修建造具

估變工料冊結繪圖具詳並將一切未盡事宜隨時籌  
辦外臣護會同福建巡撫臣徐宗幹水師提督臣李成  
謀合詞恭摺具

奏伏乞

皇太后

皇上聖鑒勅部議覆施行謹

奏同治五年 月 日

臺灣吏事兵事均宜及時綢繆措

奏爲臺灣吏事兵事均宜及時綢繆以惠邊氓而弭異  
患事竊臣忝督閩浙於今三載有餘初因浙寇未平專  
意兩浙嗣浙事勾當甫畢巨逆李世賢汪海洋由粵東  
分道犯閩臣率諸軍入閩剿賊閩匪肅清臣遵  
旨入粵追粵事速賊臣始抵任治事以次按治各郡縣  
土匪治軍之日多治事之日少計自二月十八日回閩  
以後甫七閱月復奉

恩命移督陝甘自維時日迫促智慮短淺上孤

朝廷倚注之

恩下負十郡士民望治之意俯仰愧怍莫可言宣其最  
抱歉者莫如福甯臺灣兩府初意擬俟各郡治匪事畢  
再圖次第整理福甯一郡距省匪遙尙易隨時料量至  
臺灣則遠隔大洋聲氣間隔該鎮道等遇事專制略不  
稟承細察所辦各事無非欺飾彌縫毫無善狀現檄調  
補臺灣鎮總兵劉明燈臺灣道吳大廷於抵臺後逐加  
訪察冀可銷患未萌而吏事兵事應早爲籌畫者不敢  
以去聞在卽稍事緘默謹爲我



皇上——陳之臺灣設郡之始議由內地各標營調兵  
更番戍守三載爲期用意至爲深遠計額兵一萬四千  
餘可謂多矣咸豐初年因內地兵事孔亟班戍之制不  
行見今存者不及三分之一名冊有兵行伍無兵一有  
蠢動卽須募勇所募者本處游手無藉之徒聚則爲兵  
散仍爲匪勒索騷擾不問可知從前臺灣道設有道標  
以備調遣近自道標裁撤遇有剿捕之事文員不得不  
借重武營一切任其虛冒侵欺莫敢究詰武營縱兵爲  
奸營兵以通賊爲利全臺之患實由此起道光四年奉

旨鎮兵歸臺灣道察看久未奉行羣已習焉忘之今欲  
復兵制則宜遵班兵舊章三年更戍欲重道員事權則  
宜復道標俾有憑藉申明鎮兵歸道察看之例以杜欺  
回而重操防庶幾互相維制而軍政可肅也臺灣水師  
向設戰船九十六號今無一存者戰船既無而大修小  
修之費仍不肯減船無可修而修船之費仍不能無武  
營虛冒侵欺藉口定例非文員所能禁革而厯任總兵  
從未有舉而釐正之者將弁煬蔽於下鎮臣回惑於上  
積習相沿由來已久如欲剔除痼弊移此款項製船巡

洋募練水兵以求實效必須鎮道得人同心共濟而部  
中不復以舊例相繩庶幾實事求是而船政可舉也臺  
灣物產素饒官斯土者惟務取陋規以飽私橐廳縣有  
收至二萬餘兩者臺灣道除收受節壽禮外洋藥樟腦  
規費概飽入已知府於節壽外專據鹽利武營以虧挪  
爲固然恬不爲怪交代延不結算自副將至守備多者  
十二任少者八九任四五任並無結報侵吞款項不知  
若干非廉明鎮道澈底清釐何從窮其底蘊茲據吳大  
廷稟擬將道署陋規樟腦洋藥等項悉數歸公永革節

壽陋規以昭清白劉明燈等亦毅然裁陋規革節壽爲請是皆正本清源之策所不容已者惟陋規旣已裁革則必別籌津貼以資辦公庶廉吏可爲乃改正已率屬之效也閩省文武錮習以辦案索兵費爲取盈之計近時內地嚴加懲誡此風稍止臺郡則遠隔大洋肆無忌憚民俗挾仇械鬥勝者輒佔敗者室家田產謂之熬厝地方官不爲按律懲治先勒索勇糧夫價及其臨鄉則置正寃於不問或捕捉案外一兩人聊以塞責民忿官之貪庸也乃相率結會私鬪浸成巨案諺云十年一大

反五年一小反大概由此必賴廉正明幹之道員時以  
洗冤擇物爲心嚴操守勤訪治孜孜奉公不敢暇逸庶  
幾惠澤下究人心固結乃收長治久安之效也臺屬生  
番性雖蠻野卻極馴順地方官如能清慤自持以簡佚  
之道處之最易見德從前生番獻水沙連六社之地請  
得薙髮比於內地民人臺臣以聞而部議格之生番輒  
輒失望率致游民勾番私墾徒長械鬪之風寢且藏垢  
納汙終爲逋逃之藪至今臺人言之猶有餘恨夫馭邊  
氓之道與內地殊此輩山獸河魚但能順其性而撫之

勿有擾害積漸自然自可無事無論生番輸款內附供糧當奉於

國家有益無損卽令稍有所費亦當羈縻弗絕以示恩信何有擯絕不受坐視客民強佔虐使招爲肇衅之端況近自洋人入駐要口以來游歷內山習知形勢設我棄而人取之尤於事體非宜現當生齒繁盛游民輻輳之時似宜弛墾荒之令並聽生番薙髮齒於編氓所有番社情事願內附者聽之但勿強爲招致於事理似無不可至臺郡雖屬產米之區近因番船搬運頗多地方

官結士民時有蓋藏空虛之慮禁出勢有不能則當社  
立倉庾謀儲積似不可緩凡此均應由該鎮道察看情  
形隨時籌辦者臣原擬於諸務就緒後東渡一行今去  
閩有日無暇及此幸劉明燈吳大廷皆實心任事相信  
有素必能綢繆未雨爲東南與此嚴霜以上所陳可否  
仰懇

皇上天恩飭下該鎮道察看地方情形隨時會銜陳  
奏責成妥爲辦理不勝感幸之至所有臺郡事宜臣任  
內未及辦理謹擬責成新調之鎮道籌辦情形據實陳

明伏乞

皇太后

皇上聖鑒訓示施行謹

奏  
同治五年 月 日



釐定閩屬進出款項停止攤捐另籌公費捐

奏爲釐定閩省各屬進出款項請將攤捐停止陋規裁革另籌提給公費以杜官虧而蘇民困恭摺仰祈

聖鑒事竊維理財之道貴去中飽節用之道先杜虛糜未有徵收漫無定制而得免侵欺弊累不弔蠲除而可期整飭者也閩省吏治弛廢已久各屬經征錢糧往往狃于歷年遞減分數從不全完每屆

奏銷雖迭札嚴催自愛者僅勉顧考成不肖者輒自甘朘處猶復藉口於缺分瘠苦民俗刁頑以飾其催科不

力之咎此固積習使然亦因邇年以來地方多事徵收  
短絀復加以攤捐之賠累供應之浩繁入既未能取盈  
出又難以撙節以致上虧

國課下朘民膏論律固無可寬而論情實有可恕現欲  
力求整頓爲正本清源之舉則州縣經徵錢糧不可不  
亟爲釐定也聞省地土瘠薄徵額不及江浙各省之多  
浮收亦較浙江各省爲少惟自咸豐三年以後上下各  
府屢被賊擾徵冊毀失花戶應完錢糧官旣無從稽考  
但責成書吏徵收書吏又但以歷年所收分數比較偶

有盈餘亦愿不交出民間知徵收之權在書吏完納時  
僅取書吏收條不問官之串票于是田賦有飛洒詭寄  
諸弊書吏得任意浮收强者任其抗延弱者肆其恐喝  
官民交困爲害無窮將欲剔除徵收錮弊必先清釐賦  
額將各該廳縣丁米按照向章連耗餘徵收若干出示  
勒石庶免藉端浮取而後民間完納多寡乃有定程然  
徵收之弊雖除攤捐各項不爲設法彌補則州縣之苦  
累未已其藉端浮取仍有不可得而禁者矣蓋攤捐有  
關報部者有由外銷者有州縣自行流攤者其報部及

外銷者大率由養廉項下扣除其自行流攤者多由前  
後交代算抵故養廉一項虛有其名從無實給且有攤  
款較多養廉尙不敷劃扣者有因款目繁多往往事隔  
數年官逾數任未能清算者將欲輕減州縣苦累必先  
實給養廉並將流攤各款分別停免其必不可免者另  
行籌款彌補而後經費出入乃可約計又州縣苦累非  
止攤捐一端如上官過境夫馬酒席有費門包過山禮  
有費上官到任鋪墊執事有費及平時月費節壽名款  
目相沿已久名曰陋規上官視此爲本分應得之項州

縣亦視此爲本分應出之項錢糧耗餘不足供則設法巧取于民以供之上官利其陋規徇其情面遇有過失輒爲隱護州縣卽以此陷上官隱相挾制自謂能幹止官之取州縣也一州縣之取于民也十何怪民生之自蹙仕風之日下乎此察吏之必先恤吏恤吏之必先裁革陋規也查兩司道府以及佐貳佐雜各官除廉俸外涓滴皆非應得之款旣將各項陋規盡行裁革而養廉一項又扣除減成減平察看情形委實不敷夫用其署事人員僅領半廉者更無論矣竊維制用莫要于通籌

而立法必期其核實陋規一項與其明爲禁革而暗任  
取携曷若予以限制而別籌津貼當飭署藩司周開錫  
通盤籌算先將各屬進出款目逐一開報以憑核酌存  
留均勻津貼務期取民有制均則無貧茲據周開錫詳  
稱除臺灣汀州兩府屬尙未據開摺呈送其餘各府州  
均已據各該管道府呈送前來應卽分別釐定各按所  
轄廳縣經徵地丁糧米向章連耗餘徵收若干出示勒  
石以便永遠遵守其糧冊毀失者並飭一律清查造報  
至擬捐各項除剿辦臺匪張丙夷務軍需兩案已詳請

專案奏免外尚有部飯等項年額應解銀一千七百八十餘兩又外銷津貼各衙門書吏紙張飯食等三十三款年額應給銀四萬三千餘兩又加辦各案工程應攤未補銀十餘萬兩各府廳縣自行流攤銀數萬兩又供應項下文武鄉試供給每科需用銀三萬兩除由司例給三千一百餘兩外尚不敷銀二萬八千餘兩三年一次應擬派銀八千九百餘兩又琉球貢差往返夫馬供應以及年例十三幫貢差夫價等項分年計算共需銀二萬八千餘兩均由司另行提款歸補此項如出差員

并盤費夫價及一切雜項差使隨時應給未能預計者亦分別酌量核給並綜核兩司道府暨佐貳佐雜缺分之簡繁用費之多寡酌提經費以資辦公期將來各項陋規概行裁革所有前項彌補攤捐提辦供應酌給公費銀兩卽在閩安等七關稅餘茶葉起運稅耗驗箱經費並洋藥百貨釐餘項下提給等情前來等覆加查核除攤捐各項皆有成案另籌歸補外其提辦供應酌給公費通年核計爲數雖覺稍多而實則未議定章以前取給於州縣者尙不止此且閩安稅課竹崎崇安浦



城光澤上杭七關閩稅年額應徵銀一萬六千餘兩先  
歸各縣徵收正項尙難足額改章以後先將陋規裁革  
始獲少有盈餘其茶葉起運稅耗驗箱經費向係各州  
縣於正稅之外私收入已現均提歸公用至洋藥百貨  
釐餘閩省章程於正項釐金外酌抽十分之一留充局用  
並一切開銷係向不報部之款現卽以稅餘釐餘提給  
各項公費不再擾及州縣亦無須另動正款而出納一  
正其名予受可得其實似於吏治民生兩有裨益臣等  
既有所見不敢緘默不言謹合詞據實

奏陳是否有當伏乞

皇太后

皇上聖鑒訓示施行謹

奏  
同治五年十月初五日